

КОМСОМОЛ **ВАЙГЯЛЬ**

Сембе масторонь пролетариятне, пуромода марси

ЛИСЕНДИ V-це КИЗОСЬ

ВЛКСМ-нь Мордовский
обкомть и Саранскяень
горкомть газетасна

Адрессь: г. Саранск, ул. Ленина 11,
телефон № 1—72.

НОЯБРЬ
14-ЦЕ ШИСТОНЗА
1937 КИЗОНЯ
124 (498)

Лисенди ковти 12-кетъ.

ОКРУЖНОЙ ИЗБИРАТЕЛЬНОЙ КОМИССИИ ТНЕНДИ ОТКРЫТАЯ СБОРМА

Минь, нижеподписавшайхне, эрь ломаньць башка, получаме телеграммат различнай заводонь, колхозонь и различнай областень и округонь избирательхненъ предвыборнай совещанияснон эзда избирательнай лама округова минь СССР-нь Верховнай Совету депутатоньди кандидатокс выдвиженияньхненъ колга.

Минь азончнесаськ эсь седиваксонъ благодарностеньхненъ довериять инкса сембе ся ялгатненди избирательхненди, конат выставили минь кандидатураньхненъ.

Лувонцаськ, однак, эрвиксонъди азомс, што сяс мес законс коря эздонок эрь ломаньць может баллотироваться аныцек фкя избирательнай округка, то минь, кода коммунисттаи и ВКП(б)-нь ЦК-нь члеттама, обратились ВКП(б)-нь ЦК-в указанинкса. ВКП(б)-нь ЦК-сь макссь тейнек указания валхтомс эсь кандидатураньхненъ лия округнень эзда и баллотироваться избирательнай тяфтама округова:

Андреев А. А.—Союзонъ Совету, Ашхабадский избирательнай округ, Туркменский ССР.

Блюхер В. К.—Союзонъ Совету, Ворошиловский избирательнай округ, Дальне-Восточнай край.

Булганин Н. А.—Национальностень Совету, Московский городской избирательнай округ, Москву ош.

Буденный С. М.—Союзонъ Совету, Шепетовский избирательнай округ, Украинский ССР.

Ворошилов К. Е.—Союзонъ Совету, Минский городской избирательнай округ, Белоруссия.

Ежов Н. И.—Союзонъ Совету, Горьковский-Ленинский избирательнай округ, Горькая ош.

Жданов А. А.—Союзонъ Совету, Володарский избирательнай округ, Ленинград ош.

Каганович Л. М.—Союзонъ Совету, Ташкентский-Ленинский избирательнай округ, Узбекский ССР.

Калинин М. И.—Национальностень Совету, Ленинградский городской избирательнай округ, Ленинград ош.

Косиор С. В.—Союзонъ Совету, Ленинский избирательнай округ, Киев ош.

Косарев А. В.—Союзонъ Совету, Орджоникидзевский избирательнай округ, Украинский ССР.

Крупская Н. К.—Союзонъ Совету, Серпуховский избирательнай округ, Московский область.

Литвинов М. М.—Союзонъ Совету, Петроградский избирательнай округ, Ленинград ош.

Молотов В. М.—Союзонъ Совету, Молотовский избирательнай округ, Москву ош.

Микоян А. И.—Национальностень Совету, Ереванский—Сталинский избирательнай округ, Армянский ССР.

Мануильский Д. З.—Союзонъ Совету, Акмолинский избирательнай округ, Казахский ССР.

Мехлис Л. З.—Союзонъ Совету, Кузнецкий избирательнай округ, Московский область.

Петровский Г. И.—Национальностень Совету, Днепропетровский избирательнай округ, Украинский ССР.

Сталин И. В.—Союзонъ Совету, Сталинский избирательнай округ, Москву ош.

Хрущев Н. С.—Союзонъ Совету, Краснопресненский избирательнай округ, Москву ош.

Чубарь В. Я.—Союзонъ Совету, Харьковский сельский избирательнай округ, Украинский ССР.

Шверник Н. М.—Национальностень Совету, Свердловский избирательнай округ, Свердловский область.

Эйхе Р. И.—Союзонъ Совету, Новосибирский избирательнай округ, Новосибирск ош.

Содаф, што минь примаськ исполненияньди ВКП(б)-нь ЦК-ть ня указанинзон.

Просим соответствующай избирательнай комиссиятненъ примамс сведения минь тя заявленияньхненъ и лувондомс сонъ кода документ депутатоньди кандидатонъ регистрировандамста.

Андреев А. А.
Блюхер В. К.
Булганин Н. А.
Буденный С. М.
Ворошилов К. Е.
Ежов Н. И.
Жданов А. А.
Каганович Л. М.

Калинин М. И.
Косиор С. В.
Косарев А. В.
Крупская Н. К.
Литвинов М. М.
Молотов В. М.
Микоян А. И.
Мануильский Д. З.

Мехлис Л. З.
Петровский Г. И.
Сталин И. В.
Хрущев Н. С.
Чубарь В. Я.
Шверник Н. М.
Эйхе Р. И.

Странать лучшей ломаненза-кандидатт СССР-нь Верховнай Совету

СССР-нь Верховнай Совету избирательнай кампаниясь, кона йотни пяк и пяк оцю под"емса вступила од. наиболее ответственной этапти.

СССР-нь Верховнай Совету выборхненъ колга Положениять ответственяса, ноябрь 10-це шистонза Округной Избирательнай комиссиятне ушедозь Союзонъ Совету и Национальностень Совету депутатоньди кандидатонъ регистрацията.

СССР-нь Верховнай Совету депутатоньди васеньце кандидатокс зарегистрированнайхть **И. В. Сталин**, **В. М. Молотов**, **М. М. Каганович**, **К. Е. Ворошилов**, **М. И. Микоян**, **А. А. Андреев**, **В. Я. Чубарь**, **С. В. Косиор**, **А. А. Жданов**, **Н. И. Ежов**, **Р. Н. Эйхе**, **Н. С. Хрущев** ялгатне и ВКП(б)-нь ЦК-ть лия членонза.

Избирательнай округнень эзга, коса партиять и правительствать руководителенза максозь эсь согласияснон баллотироваться, ноябрь 10-це шистонза состоялись многочисленный митингт и пуромкст, коса трудящайхне няфтезь синьценъ величайшай сплоченностьснон **Сталинский** ВКП(б)-нь Центральной комитетть и Советский правительствать перьф.

СССР-нь Верховнай Совету депутатоньди кандидатокс зарегистрированнайхть Советский странать лучшей ломаненза, партийнай и аф партийнай большевикне, конат педа-пес преданнайхть **Ленинонь-Сталинонь** тевонцты.

Союзонъ Совету депутатоньди кандидатокс зарегистрированнайхть:

Моску ошень Таганский Райсоветонъ председателсь орденоносець **П. Н. Пичугина** ялгась (Моску ошень пролетарский избирательнай округсь); Ленинградский обувной "Скорород" фабриканъ директорть заместителец орденоносець **Н. С. Сметанин** ялгась (Ленинградса, Московский избирательнай округсь); Иностраннай тевонь народнай комиссарсь **М. М. Литвинов** ялгась (Ленинградса Петроградский избирательнай округсь; ВКП(б)-нь ЦК-ть органонц "Правда" газетать редакционнай коллегиянц членонц и ВКП(б)-нь ЦК-ть печатень и издательствань отделонц заведующаець **Л. З. Мехлис** ялгась (Московский Облас-

тень Кузнецкий избирательнай округсь; **Н. К. Крупская** ялгась (Московский Областенъ Серпуховский избирательнай округсь); **Сталин** ялгать лемса Магнитогорский металлургический заводонъ мелкосортнай цехонц начальникоц **К. Н. Иванов** ялгась (Челябинский областень Магнитогорский избирательнай округсь); известнай советский писательсь **Михаил Шолоховсь** (Ростовский областень Новочеркасский избирательнай округсь); Советский Союзонъ геройсь летчиксь **М. В. Водопьяновсь** (Ворошиловский областень Липецкий избирательнай округсь); Донской казаксь-орденоносець Ростовский областень Мингульский райононъ "Знамя колхозника" колхозонъ членць **Ф. М. Скилков** ялгась (Ростовский областень Миллеровский избирательнай округсь); **Орджоникидзе** ялгать лемса Московский станкостроительнай заводонъ стахановець-орденоносець **И. И. Гудков** ялгась (Моску ошень Ленинский избирательнай округсь); Странать фкя инь лучшей комбайнероц-орденоносець **К. А. Борин** ялгась (Краснодарский краенъ Енисейский избирательнай округсь).

Национальностень Совету депутатоньди кандидатокс зарегистрированнайхть:

Магнитогорский металлургический заводонъ директорсь **П. И. Коробов** ялгась (Челябинский избирательнай округ); Советский Союзонъ геройсь летчиксь **В. П. Чкалов** ялгась (РСФСР-нь Горьковский избирательнай округсь); **Сталин** ялгать лемса казачьй корпусонъ командирсь, конац колмоксть награжден боевой заслуганкса **Якстерь Знамянь** орденца **Е. И. Горячев** ялгась (Белорусский ССР-нь Осиповичский избирательнай округсь); РСФСР-нь Совнаркомть председателец **Н. А. Булганин** ялгась (Московский избирательнай округ); Грозненский нефтезаводонъ знатнай стахановкась **А. В. Артамонова** ялгась (Чечено-Ингушский АССР-нь Грозненск-Сталинский избирательнай округ); агрономсь орденоносець, **Д. Е. Каменценкось** (Украинский АССР-нь Киевский сельский избирательнай округсь).

(ТАСС).

Котониннай фабриканъ рабочайхне единодушно видвинули Союзонъ Совету депутатокс ИОСИФ ВИССАРИОНОВИЧ СТАЛИН ялгать кандидатуранц

Саранск. Котониннай фабриканъ клубти пуромсь 450 рабочайхт, служащайхт и инженерно-технический персоналсь. Пуромксса обсуждандакшневь кизефкссь Союзонъ Совету депутатоньди кандидатуранъ выдвигандамать колга.

Васеньце валть сявозе сире рабочайсь—стахановець **Ф. П. Шапошников** ялгась.

— Моньдине 51 киза—сяда тов корхтай Шапошников ялгась,—

Мон тани марьяс эсь прязень кода 17 кизоса цюра. Аныцек Великой социалистический революциясь теень тя счастье максозе.

Тяни монъ идьне тонафнихть счастливый, радостнай эряфса. Теест максфт сембе условиятне.

Октябрьский революциясь полаптозе и Саранск ошть обликонца. Саранск ошсь тяни аф ся, конац ульсь царский Россиять пингста. Эста тяса ульсь невеже-

ства, бесправия, а тяни кась социалистический культурнай ош.

Сембе тя счастье максозе тейнек Ленинско-Сталинский партиясь и минь кельгома вожденьке **Сталин** ялгась.

Мон предлагаю Союзонъ Совету депутатоньди кандидатокс сянь, кона вятсамазь победаста-победас—**Сталин** ялгать (бурнай аплодисментт, громкай ура! ивадема вайгальхт).

Эсь выступленияст—Назаров, Богатырева, Тимофеев ялгатне **Сталин** ялгада башка выдвинули Союзонъ Совету депутатоньди кандидатокс **Сталин** ялгать вернай соратниконзон: Ворошилов, Молотов и Ежов ялгатненъ.

Предвыборнай округной пуромк-су делегатокс рабочаень пуромксь выдвинул Шапошников, Лаптева и Сайгина ялгатненъ.

К. Е. ВОРОШИЛОВ ялгат речец

Великай Октябрьский социалистический революция комосье годовщианц шистонза парадса

Боецт, командирхт и политработник ялгат, рабочайхт и работницт, колхозникт и колхозницт, наукань, техникань, искусствань работник ялгат! Стахановецт и стахановкат, комсомолецт и пионер ялгат! Класс коря зарубежной братья ялгат, сембе миронь угнетенной народт!

Большевиконь Сембесоюзнай коммунистический партия Центральнай Комитетонц и Советский Союзонь Правительствать лемста и синь порученияснон коряс приветствовандатядезь сембень тинь и поздравляндатядезь Великай Октябрьский социалистический революция 20-це годовщианц мархта.

Ялгат! Комсь кизода тядя инголе робочай классь, марса беднейшай крестьянствать мархта, коммунистический партият руководстванц вельде йордазе помещиконь и капиталистонь властть. Человечествать историяса васеньцеда трудящихне арасть азоркс эсь модаснон лангс. Победившай рабочай классь Ленинонь гениальной руководстванц вельде организовандазе сонцен советский государстванц. Капиталисттнень и помещикнень диктатураснон каршес васеньцеда ульсь противопоставленнай трудящай ломаттнень диктатурасна, пролетариатт диктатурац.

Героический битваса, невзгодаса и лишенияса строясь и кемокстась рабочайхнень и крестьятнень государствасна. Колма кизода лама рабочей классь и беднейшай крестьянствась, конатнень организовандазень и вятьсь лангсост руководства Ленинонь—Сталинонь партияц, вятьсть пяк вишке вооруженнай тюрема помещикнень, капиталисттнень, иностраннай интервенттнень и белай генеральский полчишатнень каршес.

Пролетарский революцият эзда куломс эвондф мировой буржуазиясь организовандазень Россиянь сембе контрреволюционнай вийхнень, до зубов вооружандазень синь и йордазень советский республикат повама.

Героический народсь, конань сргозфтезе Великай Октябрьский социалистический революциясь, шудьсесь вярса эрямань правать и эсь социалистический эряфонц строяманц инкса тюремать эса.

Россиянь рабочай классь величайшай мужествоц, крестьянствать бедняцкий массанц ширьде теенза беззаветнай лезкссь, коммунистический партият—организаторть и передовой борецть изумительнай виец, международной пролетариатт братский поддержкац и тюремаса рабочей классь и беднейшай крестьянствать гениальной вождензон—Ленинонь и Сталинонь непосредственной руководствасна обеспечиндазь социализмань сембе вракнень полный разгромснон. Иностраннай капиталонь кровожаднай шакалхне и стервятникне, Россиянь капиталистонь и помещиконь класснень сембе наймитсна и иляткссна ульсь срафтфт и йордафт советский землять пределонзон омбокс.

Ялгат! Минь ни кармаме юкснемонза сян, мезькс ащесь минь советский странаньке непосредственно гражданский войнать аделамдонза меле. А минь лама миллиотт од ломаненьке аныцек книгатнень эзда сявондихть сведения тия замечательнай, но ичкози аф веселай кизотнень колга. Палф и срафтф, уштома пялфтема, вефдтема и толвалдфтома ошне и велетне, срафтф машинакнень магистральхне и сооружениятне, улике транспортть

вагс вагонтнень и паравоснень эзда хламонь пандтне, катф и ваффтф рудникне и шахтатне, аф работай и сяфтомонга срадома лангса ащи и чахлай фабрикатне и заводтне, катф и чертополохса касф паксятне и ниватне—вов ся картинась, мезе илядкшнесь советский властти наследствакс.

Хаосста и развалаинаста, модать лангс, кона суваф народть инь цебарь цюронзон вярсост, минь странаньке трудящаенза, коммунистический партият руководстванц вельде, гениальной Ленинтть и великай Сталинтть витемаснон вельде строясь эсь рабочаен-крестьянонь государстваснон.

Ялгат! Победоноснай Октябрьский социалистический революциясь путсь не человечествать предисториянцты. Советский народть комсь кизонь эряфоц—тия человечествать отрядонзон эзда фкя отрядть, кона мянц капиталистический рабствать эзда, победоноснай социалистический шествияц. Человечествась сувась эсь од, настоящей историязонза.

Советский народсь Ленинонь—Сталинонь партият руководстванц вельде 20 кизотнень пингста социализмань строяма сембе областтнень эзга сатсь тяфтама сатфкст, конатнень колга сядинголя лучшей и инь смелай умтне не могли нльне мечтать.

Сембе наименованиянь и специальностень социалистический промышленностсь тинь пингти арась победившай социализмань могущественнай передовой, яланкасы индустриякс.

Раздробленнай, нищенский, кона сядинголя най вятьсь жалкай существования, велень хозяйствась шарфтф минценон инь мощнай, инь организованнай, техникаса обильно снабженнай, социалистический земледелиякс.

Рабочай классь, колхознай крестьянствась и советский интеллигенциясь, конатнень лангса вяти руководства Ленинонь—Сталинонь партиясь, ащицть социализмань строителень могучай, действительнай коллективкс.

Замечательнай стахановский движениясь ащи результаткс минь странань трудящихнень и васендакига рабочей классь политический и моральной ширьде огромнайста касомаснонды. Аф ичкозе ся пингсь, мзярда труда стахановский методтне марнек фатясаз минь социалистический хозяйстваньке сембе отраслязон и арайхть господствующайкс.

Социализмать великай сатфксонза—результат миллионнай масатнень огромнай творческий трудснонды, ня масатнень, конатнень ланкса вяти руководства партиясь и великай Сталинтть. Социализмать напряженной строительства сонза тиеньдеви одукс, кристаллизируется советский ломанць.

Советонь странат улихть стама ломаненза, кодамот могут улемс аныцек социализмань странаса. Папанинт зень станцияса, Москва Севернай полюсть вельф Америкав Чкаловт и Громовт перелетснон эса, кода фокусса няфневи советский од ломанть сембе величияц, конанц шафтозе и касфтозе Октябрьский социалистический революциясь, конанц воспитандазе и кепедезе апак няенть вяре вастс Ленинтть—Сталинтть партияц.

Сталинский Конституциясь—человечествать тия величайшай подарка—ащи итогкс СССР-са социализмать комсь кизонь пингс

тюреманзонды, сатфксонзонды, достижениянзонды и славанзонды.

Ялгат, тинь-ни сембеньди цебарьста няеви, што кда-ба минь партиянень, рабочай классь и трудящихнень афольхть уле лама лувксса враксна, кда-ба минь внешний классовой врагоньке не располагали минь странасонк разветвленнай шпионско-диверсионнай сетьса, Советский Союзть сатфксонза улелхть-ба афункста-вомшка оцкофт.

Капиталистический и фашистский бандитне извне воспользовандасть минь странасонк социализмать предателензон и ренегатонзон мархта. Троцкистне, зиньевецне, бухаринецне, рыковецне и прочай человеческий гнильсь колмагемонь серебряник лангс йораст мимс минь родинаненьке трудящаензон, социализмань теуть.

Беспощаднай расправаса рабочаен и крестьянонь государствась отвечась и сяда товга кармай отвечам сембе вракненьди, наксагкшнй фашиствующай капитализмать и сонь наемниконзон сембе приспешниконзонды.

Минь социалистический родинаненьке кружаф сембе ширьде капиталистический странаса. Ня странатнень йоткса улихть и стамотка, конатнень государственнай деятельсна сидеста и демонстративна выступандакшихть оскорблениясь и прямой угрозаса минь странаньке трудящаензон и советский правительствать адресс коря. Напраснай трудсь! Советский Союзть рабочаенза и крестьянонза и тяфтомонга отлична шарьхкодьсаз, што ся пингти самс, мзярс рядом существовандайхть кафта системат—капитализмань система и социализмань система—синь должетт улемс всегда на чеку. Минь народоньке тия истинать цебарьста усвоил и тинь сонваны нинге сядонга зоркайста, нинге сядонга пристальнайста ваны Востокса и Запада горизонтть лангс.

Абиссиниясь, и сонь мельганза многострадаальной Испаниясь, героически лама ковань пингтнень отражандакшихсье фашистский интервенттнень и внутренний контрреволюционерхнень, Китайть лама миллионнай народонц, обильна пяхкочнесы вяронц мархта сонцен родной моданц, арейляксесь сонь насильникнень и захватчикнень эзда,—нят-ли аф предметнай урокт сембеньди нятненьди, кие нинге сонцен сокоршинц сюнеда аф шарьхкочнесы, што капитализмась и сонь фашизмась порождениц—тия война и миллиотт тружениконь гибель, война и культурнай ценностень

уничтожения, война и бешеннай насильникнень завоеванной модаса дикай разгулсна.

Рабоче-Крестьянский властеньке сонцен комсь кизонь активсонза ули и тяфтама сатфксодка, кода сонь Рабоче-Крестьянский Якстерь Армияц. Минь странаньке вооруженнай виенза—советский властть вернай оплотот, социалистический государствать стояннай и бдительнай стражец.

Эрь боецсь, командирсь, политический работниксь, врачсь и техниксь отличнайста содасазь, што синь путозень историясь трудящань интересонь арейлмань, эсь социалистический государствать оборонань ответственной посттненьди.

Рабоче-Крестьянский Якстерь Армиясь, кода и сембе Советский Союзсь, анок всегда эрямс мирса сембе мирть мархта. Но Якстерь Армиясь станя жа анок эрь мигста порошокс шовамс вракть, конаттярфты напасть трудящаень странать ланкс.

Минь армияненьке ащи аф нападениянкса, но аныцек минь Родинаненьке ланкс врагть нападениянь моментонц самс. Сон ули мзярдалиба нападавшай сембе армиятнень эзда инь нападающейкс, кда враксь сонь тындя таргасы.

Шумбра улеса мирсь сембе мирса!

Ялгат! Минь историяненьке тия торжественнай шистонза минь благодарнойста сюконафнесаксь эсь якстерь боевой знаменаньке человеческий павазть инкса великай борецнень памятнон ингеле.

Гениальной Ленинтть и сембе сонь славнай соратниконзон образсна, конат максозь эряфснон народть тевоц инкса, сядо тьожатть и миллиотт борецнень колга памятьсь, конат кадозь эсь пряснон социализмать и человечествань павазть инкса, эряйхть минь седисонк и вечна кармайхть эряма минь планетаньке сембе трудящаензон и честнай ломанензон седиса.

Шумбра улеса минь великай праздниконьке—Октябрьский социалистический революцият 20 кизонь топодемац!

Шумбрат улест Советский Союзонь народтне!

Шумбрат улест сембе миронь пролетариатне и угнетеннайхне!

Шумбрат улест эсь независимостьснон инкса честнай борецне—Испаниять и Китайть народонца!

Шумбра улеса минь славнай и победоноснай Якстерь Армияненьке!

Шумбра улеса минь могущественнай Коммунистический партияненьке!

Шумбра улеса минь великай Сталиноньке!

Испаниянь правительствати оборонань министрть г. Приетоть и К. Е. Ворошилов ялгать фкя-фкяньди телеграммань кучемасна

Испанский республикань национальной оборонань министрсь г. Приетось тия кизонь ноябрьть 7-це шистонза кучсь Оборонань народнай комиссарты Советский Союзонь маршалти К. Е. Ворошилов ялгати телеграмма тяфтама содержаниясь:

„Испаниянь вооруженнай вийхнень лемста, конат тюрихть деспотизмать эзда освобождения инкса, приветствовандаса, Тонь велдет СССР-нь великай армиять, коцак праздновасы тиячи минь эпоханьке величай-

шай политический и социальной событияц годовщианц“.

К. Е. Ворошилов ялгась отвечась г. Приетоти тяфтама телеграммаса:

„Кучсеса эсь седиваксонь благодарностезень приветствия инкса. Рабоче-Крестьянский Якстерь Армиять лемста желаю республиканский армияти полный успех Испанский республикать независимостенц инкса тюремаса“.



СНИМКАСА: ВКП(б)-нь и ВЛКСМ-нь члетьне Мордовский Коммунистический велеень хозяйственной партийно-комсомольский организацияста, конат утверждённайхть городской предвыборной совещанияса довереннайкс городской избирательной участкитненьди (кяржи шарьде види шири) К. Н. Камаевсь, И. Е. Крюковсь, П. Г. Беловась, М. П. Каргальцевсь, П. Н. Надинць, М. Ф. Назаровсь.

НАЦИОНАЛЬНОСТЕНЬ
СОВЕТУ ВЫБОРХНЕНЬ КОЛГА
КОВЫЛКИНАНЬ
ИЗБИРАТЕЛЬНОЙ ОКРУКСЬ

**Предвыборной
окружной
совещаниясь наметил
Национальностень
Совету кандидатох
Сергеев Архип
Никифоровичть**

Ноябрь 9-це шистонза ульсь Национальностень Совету выборхнень колга окружной предвыборной совещания. Совещаниясь ульсь 157 ломатть. Совещаниясь панже эе окружной избирательной комиссиясь председателец — орденосецсь Васильев ялгась.

„Путь к социализму“ колхозонь инь цебярь бригадирсь, стахановець Сафронов ялгась выдвинул Кавылкинань избирательной округть эзда Национальностень Совету кандидатох Архип Никифорович Сергеев ялгать — „Красный партизан“ колхозонь председатель, беспартийнайть, бывший батракть. „Красный партизан“ колхозонь колхозникне получайхть тяддя трудшити 16 килограммат сьора.

Тада меле выступавшая избирательные: колхозниксь Киржайкинць (Ежовский вельсоветонь, „Валда ян“ колхоз), Пелинць, Троицк велеень колхозниксь, Ульяночкинась, вельхозяйственной техникумонь студенткась, Тимотинась — птицеводхонь работницась, Варламовсь—Ковылкинань дистанциянь начальниксь, — единодушна поддержали Сергеев ялгать кандидатуранц.

Совещаниянь участникне кучть приветственной сьорма Сталин ялгати.

**Выборхнень успехсна решается
избирательной участкитнень эса**

Выборонь успехнень решает политический и организационный работась избирательной участкитнень эса, коса каждой избирательсь декабрь 12-це шистонза пияшкодсь эсь высокой гражданской долгон, примай участия СССР-нь Верховный Совету выборхнень эса.

ВКП(б)-нь ЦК-ть Октябрьский пленумок макссь исчерпывающей указания, кода зряви тиёмс работать избирательной участкитнень эса. Участковой избирательной комиссиятне, кода известнай, должны улемс общественной организациянь представительхнень эзда: профсоюзонь, коммунистический организациянь, комсомолонь, фабрично-заводской, совхозонь рабочайхнень марстонь пуромксонь и колхозникнень марстонь пуромксонь представительсон эзда, а тяфта жа иля общественной организациятнень эзда.

Избирательной комиссияв зрявихть выдвигать аныцек провереннай ломатть, фкявок политически сомнительнай ломань аф эряви кадомс избирательной комиссиянь состави! Тяфтама партиять директивац, тяфтама народть воляц, тяфтапт синьценъ избирательхнень многочисленной требованиясна.

Решающей значения Верховный Совету выборной кампанияса кармай иметь организационнай, агитационнай, пропагандистский работась избирательной участкитнень эса. Сон должен вестись тяфтама идейно-политический уровеньца и тяфтама размах мархта, штоба каж-

дай избирательсь выборхненьди анокламань пинкть, чувствовал эсь сотксонц и принадлежностенц тя али тона избирательной участкати.

Тя ответственной пропагандистский работати Мордовский комсомольский организациясь выдвигает самой лучшей комсомолеценон, конат активнайста работайхть сембе учреждениятнень эса од избирательной законтть разясненинц инкса.

Саранский районца Булгаковский вельсоветса работай пропагандистокс комсомолкась Шмилева ялгась. Протасовский в/советса работай Ручин ялгась. Саранский ошень сарлеспромстроень комсомольский организацияса работай Киреев ялгась. Ня комсомолецне йотафнихть активнай оцю работа населениать йоткса, йотафнихть собраният, беседат и сядя башка организовандасть стол справок учреждениятнень эса, коса макссехть соответствующий ответ посетительхненьди избирательной системать колга.

Тя ответственной участкати эряви шарфтомс оцю мяль и вишкотеми организационно-пропагандистский работать избирательной законтть разясненинц инкса. *Максомс решительнай отпор враждебнай элементтненьди и синь пособникснотды, конат йорайхть тиёмс вред минь социалистический строительстванькенди. Кочкамс Совету стама ломатть, конат действительна преданнайхть Ленинонь Сталинонь партиянц тевонцы.

Аноклайхть выборхненьди

Теризморгань НСШ-са ученикнень йоткса организовандафт полит. кружокт, коса сембе ученикне тонафнесазь Верховный Совету выборхнень колга Положениять и Сталинский Конституциять. Заня-

тиятне йотнихть пяк интереснайста.

Яфта жа цебярста тонафнесазь нят величайший документъ колхозникнень йоткса.

Шайговань район. **Г. Васильев.**

**Сигизмунд Михайлович
Вейзагер ялгась макссь
согласия
баллотироваться
Национальностень
Совету депутатокс
Мордовский АССР-ть эзда
Саранский городской
округть эзга**

Вейзагер Сигизмунд Михайловичсь—МАССР-ть Внутренний Тевонь Наркомон, конанц кандидатуранц Национальностень Совету депутатоньди кандидаткс выдвинутой лама предприятиятнень, колхознень и общественной организациятнень шарьде, Национальностень Совету кочкамань Саранский городской окружной комиссияти сьормады:

— Сяс мес монь кандидатуразе выдвинутой нинга некоторой избирательной округова, мон, кода коммунистан и ВКП(б)-нь Мордовский обкомонь членан, обратился указанийнка ВКП(б)-нь Мордовский обкому. ВКП(б)-нь Мордовский обкомсь макссь теень указания валхтомс эсь кандидатуразень лия округкнень эзда и баллотироваться Национальностень Совету Саранский городской избирательной округть эзга.

Мон примаине исполненияди ВКП(б)-нь Мордовский обкомть указанийнц и эсь согласиязень макссьне баллотироваться Национальностень Совету депутатокс 422-це № избирательной округть эзга.

Сигизмунд Вейзагер. 11/XI. 37 к.

**Саранскяень „Красный
Октябрь“ типографиянь
рабочайхне и служащайхне
Верховный Советть
Национальностень
Советозонза
депутатоньди кандидатох
наметили**

**Михаил Андреевич
Чембулатов и
Сигизмунд
Михайлович
Вейзагер ялгатнень**

Ноябрь 11-це шистонза Саранскяень „Красный Октябрь“ типографиянь рабочайхне и служащайхне пуромсть предвыборной пуромксу, штоба наметить СССР-нь Верховный Советть Национальностень Советозонза депутатоньди эсь кандидатурасон.

Рабочайхне эсь васень приветственной валсон максозь народть великай вожденцы трудящайхнень инь цебярь другснотды и учительсонды Сталин ялгати и сонь маластонь соратниконзонды Молотов, Ворошилов, Каганович, Калинин, Жданов, Андреев, Ежов, Микоян, Крупская ялгатненьди.

Предвыборной собранияса фкя мяльса выдвинули Национальностень Совету депутатоньди Сигизмунд Михайлович Вейзагер и Михаил Андреевич Чембулатов ялгатнень кандидатурасон.

Собраниясь эняльди Вейзагер и Чембулатов ялгатненьди максомс эсь согласияснот баллотироваться Национальностень Совету депутатокс Саранский избирательной округть эзга.

Ванфтомс жуватань поголовьять

ВКП(б)-нь ЦК-ть февральско-мартовский пленумсонза минь великий вожденьке, учителеньке Сталин ялгась корхтась.

„Васендакига, иностраннай государствань агенттнень, конатнень йоткса активнай роль играли троцкистне вредительский и диверсионно-шпионский работасна токзень ся али лия степеня сембе али пцтай сембе минь организациянень, кода хозяйственнойхень, станя административнайхень и партийнайхень“. Сталин ялгать нят великий валонза насто-рожили Советский Союзонь сембе трудяй ломатьтнень сянь инкса, штоба беспощадна тюремс народонь вракенень каршес.

Фашистский агенттне анокт ти-емс самай гнуснай преступления. Теест мезевок аф тии шавомс ломаньтть, мимс государственнай тайнать и совершить лия преступ-ления.

Йотай тятоть цародонь врагть Евлюковть (ВКП(б)-нь Ковылки-нань райкомть ингольден пингонь секретарец) и сонь ставленникон-зон вредительский действияелон эзда пострадали лама колхоз.

Нягадинатне тиендсть различнай вражеский действият сянь инкса, штоба кирьфтамс колхоза жува-тань поголовьять касоманц.

Гадинась Евлюковсь сявондзень эсь влияниязонза колхозонь и ве-лень советонь кой-кона руководи-тельхень, конатнень вельде йо-тафнезень эсь вредительский дей-

ствиянзон. Тяфтама пособникокс теенза ульсть Игонькинц, Маня-кинц, Хаванскийсь, Фабричковсь, Карпяткинц, Пиксайкин Михайлсь.

Аф ваномок сянь ланкс, што Сире Дракань „Цятка“ колхозти 1936 кизонь тятоти эряволь гру-бай кормада 3000 центнерхт, а кол-хозть ульсь кормадонза 5000 цент-нерхт, все же колхозса кирьсь 50 процентс алашань лувкесь, урадсь лама тракс, тува и лия жуватат.

Казенно-Майданонь „Путь к со-циализму“ колхозса урадсь 40 про-центц крупной сюрю жуватань по-головьясь. Алькинань „Париж-ская Коммуна“ колхозса урадсь 57 процентц алашань поголовьясь. Тяфта жа пяк лама урадсь жува-тада, особенно тувода Од Дракань „Валда ки“ коххозсовок.

Вов кодама пакостень ти-емс способнайхть троцкистско-буха-ринский мерзавецне и синь посо-бниксна.

Тяддень кизоть сембе колхоз-никненьди эряви особо обратить внимания жуватань поголовьять ванфтоманцты. Эряви нингя сяд-пак вишкотеми большевистский бдительность, аф нолдамс фкя-вок троцкистский последыш ру-ководящай вастс. Жувата водямань теусь эряви доверити инь цебярь колхозникненьди, конат педа-пес-преданнайхть коммунизмать вели-кай тевопцты.

Тих. Пролетарский.

Ковылкинань р-н.

8 килограммат эрь трудоштити

Стакаль трудовой народть эря-фоц революцияда инголе.

Минь странасонк трудяйхнень эряфсна Великий Октябрьский ре-волюцияда меле арась лиякс, це-бярьгадсь.

Ингольден беднайхне—тяни за-житочнай колхозникт. Минь кол-

хозсонк тяддень кизоня колхоз-никне получайхть 8 килограммат сьора эрь трудоштити.

Колхозникне благодарят **Ле-нинтть—Сталинтть** партианц счас-тливый и радостнай эряфть инкса.

Аношкин.

Ковылкинань район,
Самодуровка веле.

Стахановецан колхозса, улян стахановец Якстерь Армиясовок

„Стахановецан колхозса, улян ста-хановец и Якстерь Армиясовок“, тяфтаме корхтась Якстерь Ар-мияв тумстонза „КИМ“ колхозонь колхозниксь Ильин Василий Алек-сандровичсь.

Василийсь лувондовсь колхозса инь цебярь стахановецокс. Сонь армияв тумдонза инголеульсь 500 трудошиц. Тяддень кизоть полу-чай сьорода аф 300 пудта кржа.


Василийсь тяни тусь Якстерь

Армиять рядонзонды. Сон тум-стонза корхтась, што „колхозса работань честнайста и добросо-вестнайста, а Якстерь Армияса нингя сяда честнайста карман-пашкотыкшнемост эсь обязанно-стенень.

Аф нолдан границать туркс йота-ма фкявок фашистский шпион, ди-версант“.

Челмакин.

Торбесвань район.



СНИМКАСА. Краузе инженерть-конструкторть од конструкции ВКС-2 (вертикальной коноплеуборачной сноповязалка 2 метра келеса).
Фотось Веретенниковть.



ВОЕННОЙ ДЕЙСТВИЯТНЕ КИТАЙСА
СНИМКАСА: Шанхайть жителенза эряйхть ульцяс, сяс мес синь кудсон срафтозень японский авиациясь.
Фотось Союзфототь.

Спасиба Сталин ялгати павазу, радостнай эряфонкса

„Кальдяв ульсь эрямась трудяй ломатьтненьди сире царский Рос-сияса, корхтай „Пятилетка в 4 го-да“ колхозонь колхозниксь Малю-гинц. Стака седиезон мзярда ляди мялезон монь од пингозе. Монь алязень ульсть ниле цо-ранза и колма стиренза, ульсь минь пяк кальдяв алашаньянке, модадонок ульсь кржа и сянгя ви-деньдзесь кулакне, эсьтейнек ашель мезьса ульсь видемс.

Аньцек советский властьсь максьс тейнек радостнай зажиточ-най и культурнай эряф.

Тяни монь сембе семьязе одетай.

обутай и топодьста. Тяни ули трак-созе, учане, тувозе. Тяддень ки-зоть монь 537 трудошизе, получен 300 пудт сьора. Раман цьоразти велосипед, а стирезти швейнай машина.

Партиясь и советский властьсь освободили минь вековой нуждат-нень эзда. Сталинский колхозне весялгафтозь минь эряфонькенъ. Спасиба Сталин ялгати счастливый и радостнай эряфть максоманц ин-кса“.

И. Дунаев.

Саранский р-н.

Весяласта и радостнайста йотафтозь великий праздникть

Ноябрьть 7-це шистонза Сузгяр-ге велень колхозникне, колхозни-цатне и идтьне мазы мархта, Ленинонь, Сталинонь и синь со-ратниксон портретсон мархта, стройнай колоннаса мольсть клубть инголи. Оцю радостьса колхозник-не и колхозницатне и сембе веле-ряйхне демонстривандаз эсь ве-ликий достижениясон.

Колхознай клубть инголе ульсь тийф митинг, коса выступали кол-хозникне, комсомолецне. Сембе выступаюхайхне оцю радостьса приветствовали минь кельгома

вожденькенъ и учителенькенъ **Сталин** ялгать цебярь, счастливый и радостнай эряфть максоманц инкса.

Демонстрацияда меле отличник ученикне и стахановец колхозник-не ульсь казфть.

Тяфта ульсь премировандафт **Горлановсь** 25 цалковайса, **Марки-чевсь** 15 цалковайса, **Епифановсь** 10 цалковайса и лиятне.

Поздна идть сембе велеряйхне радостнай настроенияса тусть куд-га.

Кир. Вао.

Рузаевкань район.

ТЕЙНЕК СЬОРМАДЫХТЬ

Ковылкинань район. Ежка веле-са кальдявста ладяф тонафнемась сьормас аф содайхнень и сьормас кржа содайхнень йоткса. Ликви-даторсь Сайгинц юкстазе эсь ос-новной тевопц, сон пяк шуроста йотафни сьормас аф содайхнень йоткса занятия.

Камаков.

Шайговань район. Теризморга велень афполнай средней школаса тячимс ашеть анокла пенгат. Школань директорсь юкстазе, што курук сайхть тятонь якшапне. Тя-са тяфта жа кальдявста ладяф и ликбезть работац. Велеь советсь председателец Паркинц йофсикс аф шарфни кодамовок мяль шко-лать и ликбезть работасон ладя-маснонды.

И. Исов.

Анаевский полнай средней шко-ласа директорть Никольскийть по-литический беспечностенц сюнеда тятиен шить самс школась атак-обеспечиндак пенгаса. Учителъ-не сидеста опаздывают урокененьди.

Школаса пяк кальдявста ащи ги-гиенась. Стенатнень эзга нюр-гихть паутинат, кияксне штакшне-вихть пяк шуроста. Ученикнень йоткса аф мольфтеви социалисти-ческий соревнованиясь и пяк каль-дяв дисциплинась.

Школаса ули комсомольский ор-ганизация, но нят афсатыкснень машфтомасон инкса кодамовок работа аф йотафни.

Л.

Зубово-Полянень р-н.

Ответ. редакторсь П. ЕЖОВ.

Упол. Главлита № Д-124. Тираж 3267. Заказ № 3840.

г. Саранск, тип. „Красный Октябрь“.